



RESOLUCIÓN do 16 de abril do 2021, da Dirección Xeral de Pesca, Acuicultura e Innovación Tecnolóxica, pola que se resolve a solicitude para o acceso temporal ao ámbito da reserva mariña de interese pesqueiro Ría de Cedeira a unha embarcación.

Antecedentes.

1. Na reunión por videoconferencia do día 05/04/2021 o órgano de xestión, seguimento e control (en adiante Oxesco) da reserva mariña de interese pesqueiro Ría de Cedeira (en adiante Remip-Ría de Cedeira), acordouse que as peticións das embarcacións maiores de 1,5 GT ou menores de 1,5 GT que non teñan no seu permex a modalidade para a que pretendan faenar dispoñan do cambio temporal de modalidade.

2. O 17/03/2021 a Confraría de pescadores presenta a solicitude da embarcación "SUSANA" para acceder á Remip, pero tivo que subsanar a dita solicitude o día 13/04/2021 coa seguinte modalidade e período:

Embarcación	Matrícula	Tipoloxía	Modalidade de solicitude	Período solicitado 2021
"SUSANA"	3ª CO-4-1556	<1,5 GT	Liña e cordel	Dende a data desta resolución– ata a data autorizada no cambio temporal de modalidade

3. Esta embarcación deberá solicitar da Dirección Xeral de Pesca, Acuicultura e Innovación Tecnolóxica o cambio temporal de modalidade para liña e cordel.

Consideracións legais e técnicas.

1. O Decreto 28/2009, do 29 de xaneiro, polo que se crea a reserva mariña de interese pesqueiro Ría de Cedeira (DOG núm. 33, do 17 de febreiro de 2009; corrección de erros DOG núm. 49, do 11 de marzo de 2009) establece, no seu artigo 4º, as actividades permitidas e limitacións no uso da reserva. Entre as actividades permitidas:

"A) A pesca marítima profesional coas artes e aparellos tradicionalmente utilizados na zona: anzois, nasas, enmalle nas modalidades tradicionalmente autorizadas e de conformidade co establecido no Plan de xestión integral a que se refire o artigo 7º."

2. O artigo 8º, no que se regulan as condicións de acceso ao ámbito da reserva mariña, establece que poderán exercer a pesca marítima profesional neste ámbito as embarcacións de arqueo igual ou inferior a 1,5 GT. Non obstante, na epígrafe 3 do artigo 8º.1 tamén se determina:

"[...]"

Co fin de adecuar as posibilidades reais de pesca ao estado dos recursos e ás características da frota, a dirección xeral competente en materia de recursos mariños, por proposta do órgano de xestión, seguimento e control, poderá autorizar temporalmente o acceso a embarcacións de arqueo superior a 1,5 GT. En todo caso, respectaranse os fins perseguidos no ámbito da reserva e recollidos no artigo 1.2 deste decreto e teranse en conta os informes técnicos emitidos ao respecto."

3. A Orde do 18/08/2010 (DOG núm. 173, do 8 de setembro de 2010), pola que se regula o uso e xestión da Remip-Ría de Cedeira, define no seu artigo 4 os usos pesqueiros permitidos:



"1. [...] *poderán desenvolver a pesca marítima profesional nas áreas non delimitadas como reservas integrais e como zonas de protección especial, coas seguintes artes e aparellos tradicionalmente utilizados na zona:*

a) *Artes de anzol: liña/cordel e palangriño.*

b) *Nasas: nasa nécora, nasa polbo e nasa camarón.*

c) [...]

Non obstante, nas augas continentais respectarase a normativa relativa ao uso e calamento das artes de anzol e enmalle."

4. O Plan de xestión integral para o ano 2021, aprobado pola Resolución do 09/12/2020 da Dirección Xeral de Pesca, Acuicultura e Innovación Tecnolóxica regula o uso das artes de enmalle, anzol e nasas e as principais pesqueiras con elas nas súas epígrafes 2.6.2.1, 2.6.2.2 e 2.6.2.3, respectivamente.

5. O 15/04/2021 o Presidente do Oxesco solicitou o informe da Subdirección Xeral de Investigación e Apoio Científico-Técnico de Dirección Xeral de Desenvolvemento Pesqueiro, emitido o 16/04/2021.

6. O artigo 11 do Decreto 50/2021, do 11 de marzo, polo que se aproba a estrutura orgánica da Consellería do Mar atribúelle á Dirección Xeral de Pesca, Acuicultura e Innovación Tecnolóxica a dirección e a coordinación das competencias e funcións en materia de ordenación pesqueira en augas interiores así como de conservación, protección e xestión sustentable dos recursos mariños.

De acordo con todo o anterior,

RESOLVO:

Autorizar o acceso temporal ao ámbito da Remip-Ría de Cedeira á seguinte embarcación coa modalidade e período que se indica a continuación:

Embarcación	Matrícula	Tipoloxía	Modalidade de solicitude	Período autorizado 2021
"SUSANA"	3ª CO-4-1556	<1,5 GT	Liña e cordel	Dende a data desta resolución– ata a data autorizada no cambio temporal de modalidade ¹

¹ Sempre que teñan autorizado o cambio temporal de modalidade no período autorizado.

As embarcacións deberán cumprir as condicións establecidas na Orde do 18/08/2010 e no Plan de xestión integral aprobado para 2021 para as respectivas modalidades e pesqueiras autorizadas.

Contra esta resolución, que non esgota a vía administrativa, poderase interpoñer recurso de alzada ante a Conselleira do Mar da Xunta de Galicia, no prazo dun mes contado a partir do día seguinte ao da súa notificación, de acordo co disposto nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

A directora xeral de Pesca, Acuicultura e Innovación Tecnolóxica

Mercedes Rodríguez Moreda

